

A. C. GAKENHOLZ
M. D. & P. P. O.
PROGYMNASMA
BOTANICVM
DE
VEGETABILIVM

Præstantia &
INDOLE
Cognoscenda & exploranda.

Cum
Serenissimorum Principum

nova liberalitate
HORTVS MEDICVS

ACADEMIÆ
esset donatus
Demonstrationibus Botanicis
præmissum.

46 (o) 30
HELMSTADII,

Typis GEORG-VVOLFGANGI HAMMI, Acad. Typogr.
ANNO MDCCVI.

VEGETABILUM
INDICE
Cognoscendi & explorandi
Fungorum & Lichenum
FLORENTINIS
MUSEI
HISTORIC-NATURALIS
PALLADI
MUSEI

Typis Georgii Volzmanni Hamel, Acid. Typogr.
ANNO MDCCCV



ARTIS MEDICÆ
CVLTORIBVS STRENVIS

S. P. D.

A. C. GAKENHOLZ,
M.D.&P.P.O.

Quod præclare ac sapienter a Majoribus nostris institutum est, ut qui pro muneris sibi injecti ratione, vel novum vel memorabile argumentum publice tractandum susciperent, illius studii dignitatem utilitatemque solenni Præfationis carmine deprædicarent, vel instituti sui rationes modumque præliminari sermone Auditoribus persequerentur: illud equidem hodie, sine summa in Vos, Juvenes Nobilissimi, vestraque studia injuria negligi aut omitti à me haud posse, memor sum, quo tempore novos quasi ludos aperire, nova acroamata in horto Plantarum Academico instituere mecum constitui.

Etenim non ignoratis, quam insigni nuper munere

nere Serenissimorum Principum nostrorum, denuo res Medicæ nostræ, imo Academicæ auctæ sint, dum AUGUSTA MUNIFICENTIA, locum intra moenia aptissimum, Floræ hospitio excipiendæ percommo- dum, ad perpetuos Academiae & Medicinæ Alumno- rum usus, pro constanti ac singulari, quo studia fovent atque amplectuntur amore, destinaverunt.

Hanc scilicet laudem, ut peculium suum Optimi Principes æterno & hæreditario quodam jure posside- re videntur, ut ingeniis quasi fovendis, locupletan- disque bonis artibus nati & viæ *Duces* sese præbeant, & sumtus requisitos, ad illustrandas ornandasque lite- ras, large & liberaliter conferant.

Ita, sicut exteras quondam & errantes in hisce re- gionibus Musas, Majorum nostrorum memoria, do- mum feliciter deductas, tectoque decoro ac splendido, in JULIA nostra, ipsorum horum Principum benevo- lis auspiciis exceptas, læti recordamur: sic Floram, Nymphasque, quas huc usque in campis sylvisque ludere passi fuerant, nunc pariter intra moenia, inti- mumque contubernium recipiendas judicavere. Nec dubitamus, quin, postquam tales propitios ac Nutri- tores Deos nactæ sunt, non alimenta modo, sed decus impofterum & splendorem omnem sint acquisituræ.

Hujus autem beneficii magnitudinem, nunquam non grata mente deprædicandam agnoscimus, depræ- dicabuntque perpetuo mecum omnes, qui summum hoc munus homini datum, arbores plantasque, & omne vegetabilium genus intelligunt. Neque enim quenquam fore puto, qui hoc genus Eruditionis leve & non satis dignum, in quo multum studii operæque ponatur,

ponatur, existimet, nisi qui nullo affectu in id, quod & per se eximium, sibi autem utile dulceque esse compererit, inflecti ac duci se pariat: Quæ quidem singula, quanto autem magis universa? hominis animum ad contemplationem amoremque sui trahere, imo rapere consueverunt.

Hæcce autem omnia magno consensu in divino Herbarum studio conspirare, non difficile monstratu foret, siquidem animus mihi esset, aut institutum pateretur, omnia ista in medium adducere, quibus decus quoddam & splendor Plantarum contemplationi conciliari posset.

Quis dubitat, quin levi negotio prægrandem Catalogum summorum Virorum, per omnem, & recentis & prisci seculi, memoriamnectere possem, qui Plantarum hoc studio mirifice delectati fuere, in eoque ætatem pene consumsere: inter quos & primæ dignitatis Viros Principes Regesque nominare possem, quos ipso nomine loquuntur Gentiana, Lyfimachia, Mithridatia, Teucrium, Achillea, Centaurium, Artemisia &c. Ut si Scientiæ aut Artis pretium à Tractantium auctoritate petendum sit, nulli quidem hanc nostram cedere luculenter appareat.

Quid mirum vero Mortales hisce deliciis tantopere capi, cum Superos ipsos non alia magis re quam virente herba, frondosisque arboribus delectari crediderit omnis Antiquitas. Hinc non tam templis magnifice exstructis, palatiisque, quam densis arboribus ne moribusq; Numina inhabitare persuasum habebant.

Adeo, ut si occurreret

* *Lucus --- niger ilicis umbra ,*
Hoc possis viso dicere ; Numen inest.

„ Si tibi occurrit , (inquit Seneca L. 5. epist. 41.) vetustis
„ arboribus & solitam altitudinem egressis frequens lu-
„ cus & conspectum cœli , densitate ramorum aliorum
„ alios protegentium , submovens ; illa proceritas syl-
„ vœ & admiratio umbræ , in aperto tam densæ &
„ continuæ , fidem tibi numinis facit.

Et Virgilius ** *Tarpejam sedem , quæ olim syl-vestri-*
bis horrida dumis , memorans ,
Hoc nemus , hunc , inquit , frondoso vertice collem
(Quis Deus , incertum) habitat Deus.

Quercum altam , ipsissimam fuisse Jovis Celtici
statuam testis est Maximus Tyrius.

Et ob illum quoque arborum amorem Jupiter *ἑνδεκαετος*
& Nemorensis Diana olim dicta , non dubito , fuit. Ut
adeo non mirum sit & gentiles & ipsos Patriarchas sa-
cra sua in sylvis celebrasse , Abrahamumque in querceto
Mamre altare struxisse , sacrificia Jehovæ obtulisse , &
Angelos etiam hospitio excepisse. Quis nescit singu-
lis Deorum suam arborem vovere solitos Veteres &
propriis consecrare ; populum Alcidæ , vitem Jacho ,
formosæ myrtum Veneri , lauream Phœbo &c. quas
ex nimio sæpe amore vittis & lucernis decorabant , vo-
ta ad eas nuncupabant , & viatores ad eas tanquam Dei
simulacrum , gradum sistebant : hasque uti

Porrum ἔσθ' ἄρ' ἄρ' cœpe nefas violare ἔσθ' frangere morsu
tanquam Numina in hortis nascentia putabant.
„ Hisce si addam *** Nulla fuisse veterum sacrificia , in
qui-

* Ovid. fast. 3. ** Æneid. 8. *** Aldrovand. Dendrol. l. 1.

„ quibus arbores, earumque partes partem haud exi-
„ quam sibi non vendicarent, quis quæso de Vegeta-
bilibus dignitate tenuiter sentire audebit?

Innoxia est, sed multiplex, sed suavis & jucunda,
quæ vel in ipsa Plantarum contemplatione sese prodit
aut ostentat voluptas. Non jam memorabo mirabile
naturæ in pingendis exornandisque floribus artifi-
cium, præstantiamve colorum, atque nunc nivem, nunc
sanguinem, nunc purpuram superantium fulgorem,
(quanquam & hic lucis umbræque mirabilis mixtura
attentum haud immerito detineat spectatorem non pla-
ne incuriosum.) Mittamq; incomparabilem illam flo-
rum varietatem, quorum alii spinosi, quasi ad ornan-
dam Bellonæ cassidem: alii molles & delicati, quasi
ad Veneris capillitium commendandum essent nati: al-
li nigri sunt & funebres, sepulcris; alii candidi purique,
altaribus dedicati. Alii rubei flammantesque, amoris
quasi faces: alii varii & diversicolores, ut Iris in his co-
ronam suam reperiat: alii denique variis suavissimis-
que modis collecti, inflexi, dispersi, acuti, globosi, pla-
ni, stellati, pyramidales, ut illâ sui ingenii ostentatio-
ne mortalium admirationem Natura provocare volu-
isse haud immerito videatur.

Adducenda tamen est alia magis opportuna dele-
ctatio, qua Vulgus quidem parum capi, sed erectæ
mentes moveri maxime solent, tenellarum partium,
quæ omnem hanc Plantarum constituunt familiam,
mira quædam ac Mathematicam omnem subtilitatem
superans figura atque dispositio, non tantum armato
visu, sed nudo quoque in singulis vegetabilium parti-
bus, imo ipsis eorum quasi rudimentis conspicua. Ni-
hil

hil hic crasso stilo elaboratum, sed omnia quasi ad regulam & circinum, ut non Euclidem magis vel Archimedem exactius figuras duxisse fateri cogaris. Illud certe sublime artificium in floribus quidem omnibus, quamquam non eadem aut unica ratione, manifestum est, qui toto circuitu perfectissimam, i. e. circularem figuram, exeuntibus è calicis centro petalis tanquam radiis, plerique referunt, calici autem, non minori cura certas æquales in partes superne diviso inseruntur. Adde his capsularum seminalium formam dispositionemque, quæ, si singula accuratius perpendes, habebis omnia trianguli, circuli & polygonorum mysteria. O si apices masculumque pollinem & hiantem formoso ad uterum ostio stilum explorare non pigebit, quam hîc omnia ad normam constructa videbis. Quid memorem caules, nunc triangulos, nunc quadrangulos, aut Geometrica curvatura excavatos quandoque in illis sulcos? è quibus (non dubito) excavandarum columnarum artificium didicit Vitruvius. Cave vero credas levi brachio in hisce occupatam naturam, quæ mira potius & sollicita industria foliorum petiolos maxime, hoc ornatu distinguere voluit, fibras nunc trianguli forma, nunc ovali, nunc curva majus minusve circuli segmentum exprimente, disponendo.* Circulum vero hic neutiqvâ claudere aut complere observatur, quod ineptam istam coordinationem ad folia, deinceps in latitudinem explicanda judicaret. Quo in opere illud quoque miror, fibrarum crassitiem & ad se invicem habitudinem, longitudini latitudinique foliorum constanter esse proportionalem. Sed adesdum curiose spectator, & folia ipsa de quibus

* Grey. Anat. Vegetabb. fig. XIII.

bus sermo, in incunabulis adhuc latentia (in germine inquam) evolve, & agnosces Iliada te in nuce reperisse. Volumen non male dixeris in quibusdam, in aliis librum, foliis vel simplici, vel bina aut multiplici ferie (flabelli virginum ad instar) complicatis. Lubenter præteribo, quæ in Plantarum visceribus, vasis, fibris, utriculis, glandulis non minus admiratione digna occurrunt, quoniam paucos admodum tam acutum videre, ut subtiles istas lineas satis discernant, probe novi: quanquam sine dubio in arcto coarctata rerum naturæ majestas majori nos voluptate atque admiratione perfundat; pariter ac * Protogenis tabulam magnæ quidem amplitudinis & elegantiae, illis tamen Apellis summæ tenuitatis lineis potissimum nobilitatam legimus. Neque aliter commendatum à Galeno ** videas suæ ætatis artificem, à quo Phaëton cum quadrigis Annulo ita scite insculptus, ut cujusque equi & frenum & os & dentes ac pedes anteriores pulchre dignoscerentur. Eadem profecto propria est laus Plantarum nostrarum, quibus efformandis non elegantiam magis, quam subtilitatem operis natura attulit.

Quoniam tamen, ut diximus, oculorum acies, ni adiuta fuerit, illuc non semper pertingit; unicum attigisse sufficiat, mirabile trachearum in vegetabilibus artificium, inermi etiam oculo quodammodo in tenerioribus rosæ, viburni &c. Surculis deprehendendum: quarum quidem structura non semel oculos mentem-

B

que

* Plin. Hist. nat. lib. XXXV. Cap. 18.

** Galen. lib. XVII. de usu partium p. 556. & Basil. Græc.

que singulari voluptate mihi implevit, quando fistulas
illas ex lamellis tenuibus in spiram scite convolutis &
in tubum cylindraceum angustatis contemplatus sum.
Spiras vero hasce, quod elastica virtute insignes obser-
ventur, non inepte Malpighius pulmonum vicem in
plantis gerere asseruit, quod non alia vasa ad vehen-
dum aërem, sublunaribus omnibus, maxime autem
vegetantibus, adeo necessarium, magis idonea appa-
reant. Etenim, quod obiter hic notare juvat; cum
æterna lege Deus sanciverit, ut corpora pro diverso,
quem obtinent, ponderis gradu ad centrum suum ten-
derent, leviora autem inde recederent, fieri aliter non
posset, quam ut, postquam ad locum, quo vi istius vel
gravitatis vel levitatis tendebant, pervenerint, æter-
na ibi quiete & torpore consisterent, unde & motum
& generationes corruptionesque omnes simul & semel
aboleri necessum foret. Quod tamen ne fieret, cavit
Naturæ Moderator, partibus quibusdam elasticis, quæ
sefe ceteris interponerent, nisuque contrario & mo-
tum conservarent, mutationesque varias excitarent.
Cumque elater iste in aëre maxime sit notabilis (ne-
que enim hic de prima elasticitatis causa subtiles con-
troversias immiscere conveniet) illum per vasa pecu-
liaria, uti animalibus quibuscunque & insectis, sic
plantis adduci oportuit, quo ille pro vario aut densi-
tatis aut raritatis gradu vel ampliaret vel arctius con-
stringeret trachearum vasa, quo simul utriculi vicini-
ores succo nutritio turgentes comprimerentur & ali-
menti motus debite promoveretur: maxime cum at-
tritæ per intestinam hanc luctam particulæ & leviores
reddi-

re deitæ, terræ motu nunc ad peripheriam, i. e. sursum commode propellantur.

Hiscæ vero spiris, ærique & humido, cujus motum illæ apte moderantur, unice debetur non tantum omne vegetationis negotium, sed & quicquid fere in plantis Curiosi rerum naturalium Scrutatores maxime admirari solent. Inter quæ illa phænomena, quibus non *motus* tantum *spontaneus*, sed & *sensus* indicari videntur, imprimis sagacissima ingenia torquere solent. Etenim in plerisque plantis, quæ semina conceptaculis quibusdam clausis (quasi artificium occultantes) efformant, simulatque illa ad debitam perfectionem ac maturitatem deduxere, veluti ostensuræ nunc novam prolem, summam capsularum partem, quasi data opera aperire, & semina deinceps effundere, imo quandoque longius projicere solent. Quod, etiamsi vasis medullosis exsiccatis postquam munere suo vehendi alimenti defuncta erant, & in fibras, tensionis capaces abeuntibus, ita ut muscutorum naturam fere induant, tribuat ingeniose Tournefortius; aptius tamen sine dubio istis, quas diximus, spiris, tanquam ad *muscutorum* officium (ceu supra innuimus) à natura destinatis & constructis adscribitur.

Nec aliud judicium de *Sensiti-vis* ferendum putamus. Qualis Cucumis agrestis, cujus fructus maturus levissimo attactu virosum succum cum lubrico semine violenter ejaculatur. Nec minus trifolium, Alleluja dictum, cujus folliculi maturi vel attacti alba membranula sponte pericarpium corticem dirumpit & adnexum seminis granulum ad trium vel quatuor pedum distantiam mirabili celeritate provehit. Ceu no-

tabilem illam elasticam virtutem jam à Cæsalpino notatam repetit Th. Corn. Censentini in *Progymnasmatibus Physicis* ed. Neapol. 1688.

De Mimosa vero herba, quam *pudicam* dicere solent, res pariter vulgo notissima est, quod folia manu aut baculo tacta & paululum compressa, pleno etiam meridie, splendente sole, contrahat. In quibusdam etiam speciebus cauliculi teneriores concidant & velut marcescant, quod alias ab aëre admissio, frigidiore præcipue, patiuntur. Illum vero hujus plantæ *Pudorem* dubito an halitui, cujus afflatu nervi delicatissimi, plantulæ quasi solvantur cum Honorato Fabri adscribere possis, aut cum Rajo vel digiti aut ambientis frigori spiritum condensanti, vel tangentis manui, spiritus repercutienti.

Licet enim regressum istius spiritus nequicquam morentur forte fibrarum valvulæ, Malpighio memorata, tamen isthac ratione omnem phænomeni nebulam nondum discussam video, nec forsitan plene discutendam, nisi ipsarum jam sæpius memoratarum spirarum adminiculo, quæ ad solis præsentiam maxime tensæ rudi tactu aut appropinquante vel levissimo manus tacturæ calore, rescindantur, & in cincinnos ad instar chordarum resilientes influxum subtilissimarum partium aut, si mavis, spirituum ad tempus cohibeant.

Sed quis crederet, præsentis æque ac futuri aëris status, *tempestatumq;* sensum non obscurum Plantis inesse. Tenuis capillus dorso grani avenacei insistent nonne ad machinas humiditatis siccitatisque indices, quas hygrometra dicere solent, eleganter adhibetur? dum ad
levissi-

levissimum humoris sensum spiras, (in quas fibræ contortæ sunt) evolvunt, & leviculum indicem studio agglutinatum secum in orbem vertunt: aëre vero in sicciorem mutato, protinus arctius constrictæ retrograda motu circumagunt. Quod idem in Convolvulorum tortis cauliculis observare licet, pariter atque in funibus e lino aut cannabe &c. arte paratis. Quin lignorum particulas aërem vaporosum avide bibere & inflari, secundum latitudinem exporrigi & expandi vulgaris observatio est, adeo ut ex asseribus quoque vario artificio constructa Thermosopia, in curiosorum museis spectentur.

Quid autem notius quam quod flores plerique ad solis aspectum aut sereno coelo læte sese expandant, nubilo vero aëre, aut recedente sole contrahantur & quasi tristitia affecti sese componant. Quidam etiam, uti Calendula humilis Africana versicolor, primo statim mane, prouti sese explicaverit, quamnam toto illo die auram sperare liceat, jucundo spectaculo indicent. Quorsum etiam merito referrem, quod in Heliotropio Veteres extollunt miraculum, dum folia nubilo etiam die, cum sole circumagat, & hac ratione horas quoque diei optime indicet, nisi fateri cogeremur, imaginariam omnino hanc esse cum sole conversionem, quandoquidem Recentiorum nemo neque in hac planta, neque in aliis, a quibusdam Botanicis celebratis, Malva, Lupinis, Cichorio, Calendula, solis dicto flore, tantum sideris amorem deprehendere potuerit. Licet illud tamen haud omnino negandum, ultimum hunc versus Meridiem plerumque, sed immoto deinceps situ, caput inclinare, ut forsan mundi plagas hoc artificio quo-

dammodo distinguere liceret, nisi & aliud præsto esset in vegetabili regno hæc dignoscendi indicium. Quippe * arboris truncus transversa sectione plures ostendit circulos, quorum si centra neutiquam coincidentia linea quadam recta conjungas, ipsissimam habebis lineam meridianam, eamque forsan declinationi, quæ magnetis usum impeditum reddit, minime obnoxiam.

Verum ista omnia latius hoc loco persequi non fuerit instituti modus, cum ex dictis abunde intelligatur, quanta voluptas ex pulcro hoc studio in erecta ingenia redundet, ad quod tanto facilius quilibet se excitari patietur, quod alias arcana quadam & ingenua ratione ad hanc ingenuam delectationem rapi videamur.

Neque tamen huic contemplationi deest alia laus, quæ ex insigni ejus *Usu* capitur, quaque vulgaria præcipue ingenia, & qui sola utilitate omnia metiuntur, maxime trahi solent. Illa vero emolumenta, quæ hinc in omnem hominum vitam veniunt, ignorare non potest, nisi quicunque omnia illa, quæ ad victum, & amictum, valetudinem, ceteraque bona, quibus molesta hæc vita tolerabilior redditur, tanquam supervacanea, aut a se aliena existimaverit. Scilicet non præcipuum tantum præbent hominibus *alimentum* plantæ, sed (nisi dissimulare velimus) unicum fere, quod a prima naturæ institutione nobis concessum est. Docet, ni fallor, clare Naturæ illam intentionem, dentium figura, ad carniū divulsionem neutiquam apta nata: & Lex divina claro effato eandem confirmavit: Herbis agri, oleribus & arborum fructibus vesci jubetur Primus, homo, nec nisi post diluvium (con-

nivate

nivente Deo) comedendarum carniū abusus invaluit ; idque ne apud omnes quidem gentes , cum Pythagorei olim , hodiernum vero etiam Chinenſes religioſe a carnibus abſtineant. Nos plerique , fateor , liberius gulæ indulgemus , quamdiu incolumes degimus : ſimulatque autem morbi inſidiantur , parcius carnes ægris ſuis concedere , ſi non rectius in totum prohibere ſolent prudentiores Medici : Quod , quam inſidum nutrimentum præbeant , quam ægrè ab imbecilliori ſtomacho ſubigantur , probe intelligant. Non miror Antediluvianos parentes , Neſtoreos attigiffe annos , qui tam ſalubri herbarum victu incolumitatem ſibi & præſidium contra morbos præſtabant. Nec dubito , nos quoque fata protracturos , ſi iſdem cibis , ſed parcis , ſed ſimplicibus , nec coquorum inſidioſis artibus infectis , denuo aſueſcamus. Hinc etenim non tantum ſanitatē conſervari ſed & ſenſus omnes , internos externosque , defæciores reddi certum eſt. Quod memorabili exemplo Joannis cujuſdam Leodicenſis comprobatur Digbæus : Vixerat iſ in ſylvis diu radicibus & glandibus , milites fugiens ; hinc ſimplici illo cibo hac polluit facultate , ut odoratu cibos explorare , homines ac venatores diſtinguere eorumq; inſidias eludere potuerit. Eandemque ob cauſam Philoſophos quosdam oleribus paſtos fuiſſe memoriæ proditum eſt , quod ſimplici iſto victu homines *εὐχέλινος* , inveniendis rebus peracutos & ingenioſos fieri , perſuaſum haberent.

Potionum porro omne genus longe potiori jure ex Vegetabilium fonte deduxero , cum ne aquâ quidem ipſâ , uti patebit , excepta , liquores omnes ſeu a natura
ſeu

seu ab arte ad sitim fallendam parati, Plantis unice natales suos debeant. Hinc dulce Nectar, uvarum succus, vitis coelestia dona. Cui proximi sunt, longo quamvis proximi intervallo, e pomis pyrisque expressi, fermentationeque in succum vinosum exalti liquores, quales e cydoniis quoque non incommodè sunt.

Ex frumentaceis vero omnibus, quot non, quæso, potiones olim & nunc parantur? infinita fere earum nomina, infinitæ species vario artificio paratæ, quarum tamen præcipuæ ex hordeo paratæ, *οἶνον κριθανον*, vinum hordeaceum, vel ob præstantiam & facultatem vino haud multum inferiorem, vel quod *in vini similitudinem corruptum* sit Veteres nominavere. Hinc præcipue * Zythus Ægyptiorum; hinc Pæonum brytum, hinc Celtarum Curmi, Hispanorum celia vel CERIA, Illyriorum Sabaia, Græcorum *φσκάς*, Phucas; Anglorum ala, item eorundem æque ac nostra biera, Scottorum hela, Danorum Oelia, Gothorum bruska: ceu id erudite observant viri docti. Ast non tantum ex hordeo, triticove, sed & ex avena, itemque milio ab Æthiopibus aliisque populis potiones fieri pariter relatum legimus. Ex oryza ab Indis potum parari, vini æmulum, veteres ac recentiores narrant. Plinius ex siliqua Syriaca, cornis, mespilis, morisque liquorem fieri memorat. Hippocrates vini & palmulis meminit. Strabo Lybiæ incolas vinum ex meliloto conficere docet.

Sed vino ipsi si Potus gratiam spectemus, nulla injuria prætulero succum ex fructu Ananas expressum, quem cum aqua aut vino mistum, miris modis extol-

* Meibom. de Cervis.

sunt, & in deliciis habent Indi, imo fructum ipsum, delicatissimi saporis, ad sitim extinguendam ægris porrigunt. Quod tamen an tuto fiat ob corrosivam & ferum exedentem virtutem, hic non disquirimus. Cum gustus vero suavitate, salubritate quoque sua commendanda illa aqua, quæ in nuce Cocos dicta colligitur, qualemque in Belgio recens allatis nucibus non semel gustavimus, gratissimam præbens incolis potionem.

Nec Arbores ipsæ ad sitim sedandam ineptæ sunt. Ex betulæ ramis, veris initio incisis aquam, diuretica simul virtute commendabilem, copiose profluere, vulgo notum est. Pari ratione ex Palma, aliisque pluribus arboribus potus elicitur. Et in regno Aracan ex decisis arborum, ingenti copia ad littus consitarum, ramis succus expressus grati saporis, totius regni incolis potum præbet, & per vias publicas certis tuguriolis venum prostat, iter facientibus gratum sitis levamen.

Imo mira sunt, quæ rerum exoticarum Scriptores referunt de arbore quadam Insularum Philippinarum, quæ in loco elevato & arido proveniens, ex trunco ramisque incisis aquam prædulcem & purissimam fundat, eamque solam, qua pro potu cibusque parandis uti liceat, cum præter hanc omnem aquarum proventum natura illi regioni denegaverit. Cui similis alibi alia arbor, per cujus poros destillare dicunt tantam aquæ quantitatem, ut toti insulæ ad omnes usus sufficiat. Quam egregie illustrat descripta annotata quercus in A& Acad. Philexoticorum num. XXXVIII, prope oppidum Rodenga sita, quæ in caudice

dice è terra consurgente ad altitudinem decempeda-
lem nodum aliquantisper scissum habet. Illa
Sirio æstum mense Julio duplicante, nullo in vicinia
constituto fluvio, solo, in quo constituta erat, arido,
foliis per trimestre spatium, ne gutta quidem aquæ
humectatis, ipsaque jam ex senio arefcens, ex nodi
illius seu calli scissura per triduum tantam emisit aquæ
vim ut tres magni cadi ea impleri potuerint. Quo
nebulosæ insulæ, ferri, Guineæ, T. Thomæ &c. referen-
dæ sunt, quas ferunt, etiamsi neque fontes habeat ne-
que fluvios, non carere tamen aqua, per arbores suas
abunde suppeditata; (seu fœniculum credas cum Vos-
sio ad Pomp. Melam, seu lauri speciem, ex siccato ra-
mulo à Paludiano, Duci Würtembergico transmissio.)
Hæ etenim continuo densis nubibus obsitæ perpetu-
um quasi fontem stillantem referunt. Quæ narratio-
nes, quamvis in dubium à quibusdam Scepticis vocen-
tur, immerito tamen de re, tot scriptorum & peregrin-
antium consensu confirmata, ambigere videntur.
Præsertim cum & in Montibus Capitis bonæ spei,
imo & in Alpibus arbores fruticesque, sine ulla, præ-
gressa fluvia, continuo stillare observentur. Quod e-
gregie proprio experimento & observatione confir-
mat eruditæ Angliæ decus Joh. Rajus in de Diluvio
Dissertatione, Anglico idiomate conscripta. Initio,
inquit, circiter Decembris 1691. densa nebula totum
aërem occupabat, cujus vapores tanta copia in ramu-
lis arborum, tunc foliis denudatarum, condensaban-
tur, ut, si studiose collecta fuisset destillans continuo
aqua, per 24. horarum spatium integrum cadum non
ægre implevisset. Quid non, inito calculo, putemus
exspe-

expectandum fuisse ab arboribus, suis foliis vestitis, ad recipiendos & condensandos vapores multo aptioribus? Etenim illud maxime verosimile videtur, non tam deberi aquæ istum copiosum proventum ipsi arborum succo, quam vaporibus, vi solis (maximè in calidioribus regionibus) partim e terra, partim vero è mari elevatis, nec nisi vel in montium cacuminibus, ubi minor solis efficacia vel ad arborum frondes colligendos, non aliter atque humorem hypocaufti vitro fenestrarum ad hære, & humores destillandos in capitulo in guttas coire videmus. Unde facile intelligitur, cur in regione Peru maxima montium pars copioso madore imbuta sit, quo tempore ingentes plantiarum tractus, folis æstu, aridi & quasi tosti conspiciuntur. Non mirum hinc videri potest, si quidam non ultimam pluviae in India causam in arboribus & plantis quærendam existimaverint, quod Barbados insula multo hodie parcioribus pluviis madefiat, quam olim, cum crebriores ibi sylvae & arbores alerentur: quod idem in Jamaica contigisse perhibent.

Fontium quoque fluviorumque ortum & incrementa huic arborum stillicidio magnam partem deberi putant, motum memoratis experimentis, tum præcipue quod notus in Gallia fluvius, Ligeris, ingentes alluviones pati absque ulla causa dicatur, nisi quod habeat in fontibus & scaturigine sua magnam atque prægrandem abietum atque Pinorum sylvam, quarum beneficio Ligeris aquæ excrescant, adeo, ut limites sæpe excedere cogantur.

Ex quibus quidem omnibus haud obscure constare arbitror, non levè hoc esse plantarum beneficium,

quibus tam amplam & cibi & potionis materiam humanæ necessitati suppeditari agnoscimus. Adeo quidem, ut, licet non alia commoda ex attenta Vegetabilium contemplatione expectanda forent, illud unicum, quod modo memoravimus, abunde nos excitare posset ad earum rerum, quibus vita sustentatur, & si recte utamur, incolumis redditur, indolem solícite explorandam: quam profecto impune ignorare haud possunt illi, quibus hoc officii datum est, ut sanitati civium, sive ad arcendos sive ad præcavendos morbos, consulant.

Cujus tamen argumenti pondus, antequam latius expendam, cetera, quæ huic studio sunt proposita, amplissima vel ad delectationem vel ad usum præmia, paucis recensere juvat. Etenim nulli dubitamus asserere haud mediocre quoque lumen hinc variis artibus affulgere, nec poenitendum commodum in remp. redundare. Utrumque illud perspicue ostendit *Tinctoria Ars*, quæ unice huic studio suos debet natales, & non nisi ex Vegetabili penu omnem suam materiam depromit. Neque ulla plantarum aut arborum pars huic scopo inutilis videtur. Quot non obsecro, radicum, quot non lignorum, foliorum ac florum genera, quanta non copia & in nostris agris colliguntur, & ab extremis Indis advehuntur, cum in varios domesticos & Mechanicos, tum præcipue tingendi ad usum: cum ne centesimam quidem partem ad medendi intentionem consumi fatendum sit. Meminique Pometum * celeberrimum

* Pomet. hist. generale des Droques Livre VII. Chap. 79.
de l'Agaric.

brem Aromatarium Parisinum apposite observare, quod si non nisi Medicorum in usum cederent simplicia, unicuique Myropolam toti Regioni ad suppeditandas merces medicatas sufficere, quales tamen, (ni fallor) utraque centum unica alat Gallorum Metropolis. Ex quo quidem unico (licet nec alia deessent, quibus asserta hæc Vegetabilium utilitas ulterius evinci posset) facile colligitur non mediocriter hoc esse lucrum, quod inde non tantum in singulos mortales, sed in totas resp. redundat, illas maxime, quæ vel incolarum industria, vel naturæ liberalitate ipsæ tam proficuas merces in propriis agris possident. Eamque felicitatem pro suo merito agnovere quondam Græci pariter & Barbari, qui solenni more, ad Romanos deinde etiam traducto, singulares quosque ac domesticos flores, plantas, frutices, arbores, earumque fructus publicis monumentis, seu genuina locorum illorum symbola vel insignia commendarunt. Ita abietem Germani, Selinuntii Apium; Athenienses Oleam; Palmam non Tyrii solum, sed & Judæi & Alexandrini; Spicam Itali, Siculi, Hispani; vitis ramum, regiones variæ, optimorum vinorum proventu nobiles; Silphium suum Cyrenenses: Lotum Ægyptii; thuris ramum Arabes; Malum Medicam Parthi; Rosam denique, vel potius Punicum Malum Rhodii; omnia, tanquam variis nominibus sibi utilia, celebrarunt.

Sed alio nos vocat instituti operis ratio, & majus forte erit opere pretium, si, quid in Medendi arte promittant Plantæ, diligentiori examine expendamus. Quanquam enim, quod initio dissertationis susceperam, ut late diffusam hujus studii utilitatem, cum vo-

luptate conjunctam, demonstrarem, illud pene mihi jam affecutus videar, tamen, ut nihil diffimulem, tanti hæc omnia non videntur, ut Artis Medicæ Cultores, quibus unica corporis humani valetudo curæ est, mapn opere afficiant, nisi & evidenter de hoc Artis usu constiterit. Sed vero istas Plantarum dotes credo, nemo, nisi cui subterranei halitus totum cerebrum occupavere, negabit. Quin inter præstantissima sanitatis præsidia Plantas numerandas esse nulla hæsitacione asserere audeo.

Esto suum pretium metallis, succisque sulphureis, improbo artificium labore mitigatis. Absit, ut potentissimorum, quæ morbis opponere novimus, remedium laudibus quicquam detrahamus; aut efficacissimam Mineralium virtutem in dubium vocemus. Sed hoc quoque dari nobis velim, benignioribus his & mitioribus à Vegetabilium regno depromptis præsidiiis nequaquam carere nos posse. Curent illa quandoque cito, quandoque & jucunde ob minus diffusam in exigua mole virtutem; hæc tamen semper tuto, imo tutissime curare fatebimini. Nonne jure reprehenderetur, qui e summa domuum parte ad infimam contignationem scalis, tanquam per ambages ducentibus, descendere tutissima via recusaret, atque breviori itinere per fenestras, audaci saltu, in plateam tenderet? An, quæso, vos, parem culpam effugiet, qui, spretis mitissimis herbarum medicaminibus, nullo morborum, ætatis, virium delectu, suspecta nec ulla sæpe arte satis domanda metalla, promiscue in subsidium vocaverit. Reservemus cuneos istos ferreos durioribus nodis, contumacibus, inquam, rebellibus morbis,

bis, altiusque infixæ malignitati extirpandis. Et, sicut olim ad Anticyras, sic ad metalla damnemus, qui domesticis curari non possunt. Ast, caute, moneo, sententia feratur, sollicita lance omnia ante expendantur. A blandioribus fieri initium in morbis curandis prudentiores Medici jubent, progrediendum dein quandoque ad validiora (sed & hæc suppeditant Plantæ) sed utique adjunctis mitioribus ex vegetabili regno, nec facile totum negotium solis minerabilibus demandandum. Solis vegetabilibus permulti morbi curari possunt, solis vero mineralibus vix ulli. Et, qui per se rebelles, fortioribus magis exacerbari videbantur, sæpissime sola continuata appropriatarum herbarum diæta subiguntur. Quæ nullo ventriculo injuria inlata, successive sanguinis & humorum gravissimas corruptiones delere valent, apposite hinc Alimenta medicamentosa dicenda.

Quæ cum ita sese habeant, uti se habere nemo vestrum a partibus liber diffitebitur, vestra sponte ad tam proficua tam necessaria studia vos excitari facile patiemini. Nec tam ulteriorem rei per se satis commendatæ deprædicationem, quam rationem modumque, quomodo & facillimo & brevissimo itinere tam spaciosum campum emetiri possitis, expectare a me videmini.

Quo in opere, sine quo vana procul dubio foret omnis vestra quantumvis non mediocris industria, proxima nunc mihi cura erit, ut quomodo accuratam

tam vegetabilium omnium notitiam acquirere possi-
tis, idque tam quoad *formam externam*, ne in pericu-
losissima subjecti ignorantia versetis, tum vero præ-
cipue quoad *virtutes indolemque* ut quibus usibus quæ-
libet herba tuto & feliciter adhiberi queat, curiosa
indagine Vobis innotescat, distincte ostendam. Quam
meam Orationem nullus ambigo, quin attentis-
simis auribus sitis exce-
pturi.

